

妙法蓮華經。方便品。第二

爾時世尊。從三昧安詳而起。告舍利弗。

諸仏智慧。甚深無量。其智慧門。難解難

入。一切聲聞。辟支仏。所不能知。所以

者何。仏曾親近。百千萬億。無數諸仏。

盡行諸仏。無量道法。勇猛精進。名稱普

聞。成就甚深。未曾有法。隨宜所説。意

趣難解。舍利弗。吾從成仏已來。種種因

縁。種種譬諭。広演言教。無數方便。引

導衆生。令離諸著。所以者何。如来方便。

知見波羅蜜。皆已具足。舍利弗。如来知

見。広大深遠。無量無礙。力。無所畏。

禅定。解脱。三昧。深入無際。成就一切。

未曾有法。舍利弗。如来能種種分別。巧

説諸法。言辞柔軟。悦可衆心。舍利弗。

取要言之。無量無辺。未曾有法。仏悉成

就。止。舍利弗。不須復説。所以者何。

仏所成就。第一希有。難解之法。唯仏与

仏。乃能究尽。諸法実相。所謂諸法。如

是相。如是性。如是体。如是力。如是作。
如是因。如是缘。如是果。如是报。如是
本末究竟等。